


太上靈寶芝草品

赤一


竊以延命之術本因餌藥長生鴻寶究秘之書論云仙人使鬼是以廣成子居崆峒山上示道治而授軒轅赤松子昇崑崙宮服水玉而教炎帝仍隨風雨上下究察機祥遊歷名山顧觀草木闡驗幽昧芝英一作精形品萬端實難辨別故畫圖記著狀貼傳請據尋求得臻仙路耶

青玉芝



青玉芝生於揚州山其味甘酸服之十二萬歲王子為食仙矣蒼虎守之依圖取服有四重第二重有二枝蓋莖並皆青也

赤玉芝



赤玉芝一作食芝生於郁州山狀如此其味苦赤松子食之得仙赤虎赤魚守之依圖取服莖蓋亦有二重下重有二小芝上重二小芝並有蓋

黃玉芝




黃玉芝生於蓬萊山其色黃味辛東王父食之壽九萬歲仙矣黃虎黃魚守之三重下重有三枝一有生九莖蓋莖並黃也

白玉芝



白玉芝生於方丈山中其味辛白蓋四重下一重上有二枚生並有三枚生上重或生大石之上黃沙之中腐木之根高樹之下名山之陰得而食之仙矣白虎守之


黑玉芝



黑玉芝生於龜山之中其味甘酸鮮于子食之得仙矣傍有黑虎守之其狀如此上有二小枝重生其色黑有四重莖蓋並赤

五帝玉芝

五帝玉芝生於嵩高名山中有五色及五變五行四時有味以四時取服之為萬年仙矣有三重下二重二枝相對



青帝玉芝

青帝玉芝生於名山之中大樹之下黃雲覆之青蓋赤裏其莖白其味酸春甲乙日取食之令人不老仙矣



赤帝玉芝

赤帝玉芝生於名山之陽赤蓋黃裏白莖上有赤雲其味甘苦夏採食之令人得四千年仙矣



黃帝玉芝

黃帝玉芝生於名山之上上有五色雲黃蓋白莖其味甘苦食之令人不驚恐長生三萬年得仙矣



白帝玉芝

白帝玉芝生於名山之陰重石之間白蓋青莖裏黑其味甘食之令人得三千年仙矣




黑帝玉芝

黑帝玉芝生於名山之陰大谷之中黑雲覆之黑蓋青裏黃莖其味甘酸冬間採食之令人不老得仙矣



芝方東

東方芝生於名山之陽大谷中青赤裏二重白蓋青莖其味酸食之延年十萬歲仙矣




芝方南

南方芝生於名山之陽赤色赤蓋赤莖有三枝其味苦用竹刀採之陰乾百日食之如錢得三萬歲仙矣



芝方中

中央芝生於名山之陰白蓋黃莖裏黑枝如一莖蓋二枝要半上屈頭垂如懸蓋傍有黃羊捍守之用水刀採食之仙矣



芝方西

西方芝生於名山之陰白蓋黑裏青莖有三枝俱生其味甘辛食之萬年仙矣



芝方北

北方芝生於名山之陰黑蓋莖三枝並生其味甘美食之仙矣入水不溺不老得八萬年有黑牛守之



芝方石

石白芝生於少室山上有赤雲兩邊黃虎守之蓋赤黑莖與石玉芝相對生取之當齋戒沐浴三十日雄雞過轉鳴自稱天麻將軍使者彩衣冠帶玄服往取食之一合六十萬歲一作生大石之間其味甘酸下根四方高三尺



木神芝

木神芝生於嵩高山之陰黃蓋黑裏上有赤雲及朱雀守之以六月戊己辰日採而食之得九千歲令人仙矣狀如四方石有一坦者



鬼菌芝

鬼菌芝生於名山之陰白蓋狀如龜二鬼守之見人即滅以夜採之陰乾百日食如刀圭所向盡服織女服之仙昇天矣



人威芝

人威芝生於嵩高少室太室之山狀如人赤色戴孟乍黃乍赤味甘食之令人不老服之十萬年仙矣




金精芝

金精芝生於華山白蓋莖上有白雲狀如雀鷄其味甘辛十月壬日採之陰乾百日食之八千歲轉衆食之仙矣



黃芝

黃芝生於黃土山黃蓋三重其味甘食之與天地等一莖色白




生金芝

生金芝生於名山之陽白蓋赤裏赤莖春夏採之陰乾百日食之一合陰病除增年也




芝威龜

龜威芝生於常山深淵之中其色青黑龜文蓋青白裏莖黑味酸苦採而食之為萬歲仙矣



芝威龍

龍威芝生於太山之陰青莖紫蓋白裏其文似龍蛇其味甘酸春採食之令人十六萬年仙矣



芝威鳥

鳥威芝生於南嶽丘山之陰赤蓋黑莖其味酸食之令人身輕不老萬歲仙矣



芝精火

火精芝生於霍山之陰赤蓋黃裏黃莖上有赤雲似鳥雞之形其味甘五月丙午日採之九十年仙矣



芝錫火

火錫芝生於名山之陽大樹之傍色赤如火青莖赤蓋炎起五枝似火其味甘苦夏採而食之延年得仙矣



赤松子芝

赤松子芝生於峴山有千歲松樹者生於其間狀似木人形採之陰乾百日食之與天地等仙矣



芝精木

木精芝生於名山之中冬即木本如紡車裾拾採揀無時其色白其味甘苦食之令人身輕仙矣無蓋似火莖赤




芝神木

木神芝生於齊泰山山名曰東岳青蓋赤莖赤莖上有青雲如雞之狀以壬日採而食之千萬歲仙矣



芝目天

天目芝生於名山之陽其色青莖半有二枝上如曲蓋赤覆大蓋上竹刀採之陰乾百日食之五萬年仙矣有黑雲覆之




芝心天

天心芝生於名山之陽夾石之上青蓋赤莖其味酸以竹刀採之陰乾百日食如一瓜甲成三千年仙矣上有赤雲下有白羊守之



芝英白

白英芝生於太山之陽青色青莖五莖枝相對甘美食之萬歲仙矣



芝神水

水神芝生於恒山黑蓋青莖上有黑雲如馬形採食之六千歲仙矣



芝土

土芝生於名山之陽大澤之中白蓋如薺味
辛苦食之不寒不熱夏採服之仙矣




芝玉望

望玉芝生於名山之陰因關中黃蓋赤莖味
甘食之令人二十年仙矣下有二莖並生蓋
青莖赤上有二莖黃蓋赤莖



芝文木

木文芝生於名山之中上青下裏黃味甘酸
春採食之七百年不老仙矣



芝銅

銅芝生於名山之陰深泉深谷之中反如鏡
色青黃赤味辛苦食一合長生仙矣



芝絳天

天絳芝生於陵谷黑蓋赤裏赤莖味甘小辛
食之令人不寒不熱六千年仙矣



芝苓茯

茯苓芝以冬至日生兔絲下狀似牛蹄黑色
味甘食之令人千里外見物壽萬年仙矣



北方芝

北方芝生於土山狀如蛇赤色白裏味甘酸食之令人不老二萬年仙矣




冰菌芝

木菌芝生於名山之陰谷中樹木上生木三節色青味甘辛食之萬年仙矣




風精芝

風精芝生於名山中青蓋莖三枝並生味甘銅刀採食之萬年仙矣




靈精芝

靈精芝生於名山之陰赤蓋二重莖食之二萬年仙矣上有蒼精雲守之




鳥文芝

鳥文芝白蓋黑莖裏有文長六尺厚四寸味甘食之四萬歲仙矣



玉菌芝

玉菌芝生於名山之陽仲夏季夏採之陰乾百日食之十萬年仙矣倣夜精芝樣面赤下黃白朱莖赤蓋反上生




芝精晝

晝精芝秋生於名山之陽赤色二枝並生以木刀採之陰乾百日食之一合令人三萬歲莖蓋並赤




芝精夜

夜精芝生於名山之陰青蓋青莖味酸蓋反仰向外有露飲之令人三萬歲



芝玉白

白玉芝生於太山谷中葉青下赤每邊三重赤莖採而食之八萬歲矣




芝精朝

朝精芝夏生白色無蓋如方石味苦銅刀採之陰乾百日食之萬年仙矣上有二人守之




芝精春

春精芝青赤色反蓋有角上有二子下垂味苦銅刀採之無間多少食之三萬歲有五色雲覆之




芝菌土

土菌芝五色乍黃乍青乍赤乍白乍黑上有三枝有子食之延年仙矣



木菌黃芝

木菌黃芝生於大石中葉廣二寸長一尺青色三葉並生下如方石冬夏生味甘美食之不老仙矣




夏精芝

夏精芝生於名山中赤色蓋二子如珠蓋中生味甘竹刀採之陰乾百日食之四萬年仙矣




秋精芝

秋精芝生於坎陷中旁多有香草黃蓋赤裏三枝並曲生頭垂下青莖食之萬歲



白雲芝

白雲芝有五色圓如鼓上有六子赤色莖亦赤色味酸食之萬年仙矣



左神芝

左神芝黑蓋反向天白莖有女人守之飲中露二千年生於名山之中




右神芝

右神芝生於名山青蓋白莖三枝骨刀採之陰乾百日食如瓜甲許壽萬年下有白鹿守之




芝祿木

木祿芝青色有文文生於名山中味甘食之萬歲上有五莖青蓋



芝菌石

石菌芝生於名山夜則有光夏午日採取中央赤者食之萬年仙矣白莖頭中似蓮樣



芝圭赤

赤圭芝生於名山白蓋裏有紋青莖味辛食之不老二百神明從仙矣



芝精鐵

鐵精芝秋生紫蓋黃裏五枝味甘銅刀採之食如木耳許壽三千年仙矣上有五色雲覆之




芝精朽

朽精芝生於名山之陰白蓋白莖木刀採之陰乾百日食之如巨大萬歲仙矣中央黃者可食



芝菌土

土菌芝生於名山青蓋白莖食之萬年仙矣



石芝

石芝生於名山白蓋白莖食之令人六萬歲
仙矣方寸七以上日三服之




石精芝

石精芝秋生赤蓋白裏赤莖味酸食之為萬
年仙矣上有赤鳥守之



河閉芝

河閉芝秋生黃色三枝並生飲上露九千年
仙矣反蓋向上



水菌芝

水菌芝青蓋白裏青莖食之日一合去病為
萬歲仙矣




獸菌芝

獸菌芝生於名山松柏樹下白蓋白莖夏至
日採之旦取一合食三年變化仙矣



海關芝

海關芝秋生沙石上四重似蓋青色赤莖二
枝並生上有露飲之萬年仙矣上有五色雲
覆之




芝瑤雲

雲瑤芝精秋生青莖青葉上有白鳥守之飲
上露千年仙矣



芝菌青

青菌芝青蓋二重白裏白莖味甘酸日食一
合千年仙矣



芝雲

雲芝青蓋黃莖味如蜜食之千年得仙矣上
有五色雲覆之




芝崑崙

崑崙芝秋生黃蓋二重黃莖其味甘上有露
飲之三十年仙矣




芝精人

人精芝生於名山頭青蓋白裏赤莖三枝並
生味甘飲上露為萬年仙矣



芝英山

山英芝生於名岳深崖陰近濕處赤色如四
重浮齒級食之千年仙矣



芝 紫

紫芝似人頭主味辛食之令人心通不死身輕耳




芝 如 冬

冬如芝秋生太山之陽黃蓋三黃莖別根同蓋味甘辛陰乾百日食之二千年仙矣



芝 精 赤

赤精芝夏生黃蓋青莖白裏九二重食之五十年仙矣兩邊五色草




芝 石 紫

紫石芝味苦赤蓋黃裏赤莖食之令人不死仙矣



芝 蓋 紫

紫蓋芝三莖共本下圓上方二尺紫蓋味甘食之三千年仙矣



芝 精 赤

赤精芝赤色主爽起味甘鐵刀抹之陰乾百日食之二千年仙矣二人守之似火炬樣莖炎俱赤




芝連山迎

迎山連芝食之日行千里八千歲仙矣三枝中枝頂有蓋共根生赤色下二枝無蓋



芝山恭

恭山芝赤紫色四重赤蓋食之三十年仙矣




芝恭

恭芝白蓋黃葉似月白蓋食之有光明仙矣




芝木

木芝食之千年仙矣




芝水

水芝食之千年仙矣似王字樣也



芝恭重

重恭芝黃蓋赤莖二枝並生相連食之仙矣




六柱紫芝

六柱紫芝赤蓋赤莖黃裏食之得仙矣頂有蓋下三重無蓋




紫科芝

紫科芝赤色白裏似蛇味苦除寒熱邪氣日食一合仙矣秋取之



紫芝

紫芝味甘白蓋三枝莖上黃下赤食之仙矣骨體滿實腸化為筋上有蓋下一重無蓋




重紫芝

重紫芝狀如此味甘苦食之仙矣白蓋如起黃莖亦根三枝頂上有蓋下一重二枝無蓋




紫芝

紫芝赤蓋白裏赤莖味甘食之延年仙矣



紫科芝

紫科芝赤表白裏味甘冬服之令人不老而仙似蛇尾




芝 紫

紫芝赤蓋白裏黑莖味甘秋採食之仙矣




芝 火

火芝赤蓋白裏黑莖味苦冬夏採食之仙矣
上有五色雲覆之兩枝交叉分生




芝 科

科芝三重赤色莖白味甘辛食之延年得仙
矣




芝 水

水芝赤蓋白裏白莖三枝通上出蓋食之延
年仙矣




芝 官

官芝食之延年不老仙矣總有十一段也朱
蓋赤莖




芝 闕

闕芝夏秋採服方寸七與天地等畢紫蓋紫
莖七段當中一枝長兩蓋似珠輪




上 祿 芝

上祿芝食之仙矣乘虛行也青蓋朱莖十一段上六中二下三



玉 精 芝

玉精芝大海中生味甘服之二千年仙也朱蓋五莖朱色




代 侯 芝

代侯芝上圓下方春一作五月採食之壽萬年也似桶朱色




雲 芝

雲芝食之六年以上有紅雲守之朱蓋朱莖朱葉有六葉




不 死 芝

不死芝食之萬年上有紅雲紫蓋紫莖四枝無蓋



朱 芝

朱芝食之令人千歲仙矣朱蓋朱莖



天威芝

天威芝青色四時採食之十萬年有雲赤色覆之青蓋青莖




辟精芝

辟精芝生海中青色食之千年矣其狀似人形




天寒芝

天寒芝黃色如人形食之千歲仙矣



赤莖芝

赤莖芝味辛四時採食之壽三千年也二枝交叉一枝無蓋一枝頭朱一頭似花未開




天芝

天芝四時採陰乾百日服方寸七以仙矣朱蓋紫莖




天陸芝

天陸芝銅刀採食之為三千年仙矣兩莖並生朱色似蓮葉未開



芝闕天

天闕芝食之萬年仙矣二莖並生朱蓋白裏




芝精地

地精芝二羊守之服上露者六千年仙矣三莖並生朱蓋青莖



芝精日

日精芝味甘竹刀抹陰乾百日服方寸七五千年仙矣朱色三枝無蓋共一枝



芝精月

月精芝竹刀四時抹之食如豆五千年仙矣一人守之黃蓋黃莖




芝精時四

四時精芝服上露二萬年二青龍守之赤色上有五色雲覆之二重朱蓋朱莖




芝精黑

黑精芝味甘酸骨刀抹食之二千年仙矣陰乾百日下有羊守之紫蓋紫莖有兩葉




芝精木

木精芝味甘食之二千年仙矣陰乾百日上
有三馬骨刀抹之蓋紫色反向上




芝精水

水精芝味苦夏抹食如瓜甲五十年仙矣青
蓋四莖穿出蓋上無蓋白莖



芝精金

金精芝味甘木刀抹食之千歲仙矣陰乾百
日食之五段似火焰起朱色一朱蓋朱莖一
蓋如初生月莖青色




芝水

水芝生於衆水旁味苦夏抹食如瓜甲十萬
年仙矣蓋紫色頂有三角莖青色通出無蓋




芝精雨

雨精芝夏生味甘食無拘多少六千年仙矣
其莖青熟莖有四苗生



芝精水

水精芝生山水旁青黑色四枝並生蓋仰味
小苦飲上露十萬年仙矣




雲精芝

雲精芝生於華山味酸竹刀採之食無多少九千年仙矣蓋紫色莖白



虎精芝

虎精芝生於華山之陰黃色如虎皮味甘食之令人不老聰明仙矣莖來色



太上靈寶芝草品

洞玄靈寶二十四生圖經

亦二

三部八景自然神真大運告期赤明開光三景朗煥五劫始分元始天尊與十方大聖至真尊神無極太上帝君飛天神人玄和玉女無鞅之衆同坐南浮洞陽上館栢陵舍中清談虛泊素語自然靈音十合妙唱明真諸天歡樂日月停輪星宿默度九天徊關河海靜波山嶽吞煙龍麟踊躍人神歡焉是時太上無極道君稽首作禮上白

天尊今日侍座太漠開昏無極世界一切見明法音遐振澤被十方過泰因緣劫初化生輪轉聖位任居總真方當胤御剖判六天考初理運料度種民推算長夜檢實三官役勞任重歡戚難言敢附靈風自響披心前與元始天王俱於長桑碧林園中聞

天尊普告大聖尊神云洞玄天文靈寶玉典有三部八景神二十四圖上應二十四真中部二十四炁下鎮二十四生靈重璣璨妙絕空洞觀之者九天書名金簡記錄生死得仙來運當促三五傷喪萬兆短命流曳八難風

刀痛體五苦備嬰淪於長夜不覩三光無知受對任運生死死撫之傷襟痛感人神今大慈道行惠澤普隆伏願

天尊有以哀矜直據玄科教所未聞使未見者見未成者成福流一切億劫得恩如象訊投輒當承神鼓風因流揚波清蕩三界肅檢衆魔部正六天馘斬羣邪安國育民使陰陽寧休明化既興道暢太虛於是

天尊仰面含笑有青黃赤三色之炁從口中而出光明徹照十方內外無幽無隱一切曉明金書紫字玉文丹章文彩煥爛在三炁之中三八景神二十四真各從千乘萬騎在空玄之上輔衛靈文諸天日月流灑華光衆津文灌飛香八纏萬聖稱慶一時禮真

天尊告曰今生一切歡樂難譬傾心露瀝情無遺隱當依玄科七寶鎮靈黃金為壇授子神真之道道尊法重四萬劫一行下世度人秘則真降泄則禍臻金以相告明識之焉太上道君欣喜歡歎唯北向而立聽命